

# Let it be, Armonauz

A Moena, par ciantà i Beatles par ladin; 'na bela esperienza, aduna con trope outre soen de i nostre, da Fascia e da Badia



***Ra tre anpezanes Armonauz, aduna co i Bastards, par el gran concerto de Moena, in onor de i zincuanta ane de i Beatles.***

Cemodo che ve aon oramai dito st'ousciuda, sabeda ai 5 de ottobre i Armonauz i é tornade a Moena, sta ota inze el Teatro Navatge, par el "Gran Concert" del zincuantesimo

dei Beatles, con outra bands e solistes da Fascia e Badia. L é stà 'na noa sfida par i nostre amighe: par duto l istade i s'à paricià par portà un inedito, paroles e musica,

'na canzon dei Beatles e una che i vorea lore. Bešen di che i é stade solo lore a ciantà duto par ladin! E, cemodo che disc Francy: "On vento anche sta ota el Premio Simpatia! Ra sente r'ea proprio contenta de me scotà, r'ea ciapada da ra nostra canzos. E ce emozion stà su chel palco, fei el sound check, proà i strumente e ra osc, col fonico dei "Bastards Sons of Dioniso", ciantà con duta chera lumes colorades e el fun, algo de bel!"

A ra fin i à ciantà e sonà dute aduna "Hey Jude", dedicada apunto ai Beatles, e i à proà 'na emozion granda. Dapò ra serata r'é suda inaante inze ra sala de "La Grenz" agnó che i à podù se conosce meo e soralduto i à parlà ogniun co ra so parlada ladina. Francy, Anto, Silvuz, Salvoz, Kuky e Gildo i disc un gramarzé gran a ci che à organisà chesto concerto, par ra poscibilità che i à dà par se fei conosce e soralduto parcé ché l é stà proprio 'na bela esperienza.

*Elena Salvagni in Gaspari*